

Besarkada urdiñez
erri guziak gerrikatuz dituk,
kresal lokarriz,
anaitasunera alkartu naiko al gaituk,
ire bidez, zorionez,
kanta dezagun: «eman da zabalzazu»;
bira erriak
guziz ik bai dituk maiteki laztandu.

Itxas bazterra!
Zorioneko itxas bazter atsegiñori!

Ire kresal aizez
libertade usaiak dakarzkik beti.

Ik piztutzen diok
nere barne tristuren gau illun oni,
urrutiko itxaropen
lausoan, izar dizdiratsuen argi.

Otsalar

IRU ALEGI

(Bertolt Brecht)

KEA

Etxetxoa arbolartean aintzira ondoan,
teillatutik ke ari bat.

Faltako balitz
zer ondamen
etxe, arbola ta aintzirak.

ARRAUN, SOLASEZ

Illunabarra da. Lerratuz igaroaz
bi piragua, barnean

bi gazte billutsik. Bata bestean ondoan arraunean
mintzatzen. Mintzatuz
arraunean bata bestearen ondoan.

LORADIA

Aintzira ondoan, ezki ta abetu artean,
loradi bat dago esiz sarratua;
ain esku trebeak landua
martxutik urrillera arte loratua dago.

Egunsentian, iñoiz, an exeritzen naiz,
neuk ere nai bai nuke,
egun onarekin edo txarrarekin,
zerbait atsegin beti eskeini.

Buchower'eko alegiak liburutik, 1953.
Otsalar'ek euskeratuak.

TORI, JAUNA...

«beartasuna, GARBITASUNA, mendetasuna...»

Ez dakarkizut, Jaungoiko Jauna,
biotz legorrik,
begi aiturik,
ezpain aserik...

Ona emen, Jauna, berri berriak!
Nere biotzak
itxas ertzian
egun sentian
ur egarrian
dagon txalupa
dirudi.